



序

蘇州吳梅

字程案別號霜厓
1881—1939

藏書

泰伯城邊縹碧綴山光之一笏梁鴻溪畔飛青織水色之
千縈偶因放艇之遊。恰值燒燈之節。觀蜀中之吐鳳。識是
才人。遇洛下之騎羊。猜爲名輩。問其姓氏。則大名盈數之
家。謝厥郊圻。則射虎斬蛟之里。任彥升釣臺之側。累產詞
流。杜樊川水榭之旁。每生騷客。是故河北風華。子昇第一。
江東品藻。文度無雙。旣親炙夫光儀。復求觀乎著述。且以
邇來賦手。俱誇謝月宋風。近代詩翁。競詡潘江陸海。流傳
頗廣。篇帙逾繁。總屬殺青。無殊曳白。不若高施雅調。乃足

怡心。關鄭清歌。差堪快意。爰入張氏。徙餘之屋。畧搜李家。吟剩之囊。授此一編。命爲三復。于斯時也。銅蠹晝靜。坐滿榭之梅花。銀鴨香溫。瀹半壺之茗葉。總使修琴客。至何妨拍掌而吟。假令蠟屐人來。亦且掉頭不顧。初窺半卷。便驚裁剪之工。及覩全文。益見編排之巧。要其注意。大抵言情。紫蠹書中。淑女之原。篇風雅。紅鸞字裡。狂奴之和韻。清新纔恰。殘牋早隕。斷腸之淚。未逢嬌面。思聯銀臂之盟。螭舫雀爐。助其清怨。絨窓鍼榻。鬱是牢愁。加以沁水。雛姬平陽。少女命。飛鴛鴦之曲。誨才士。以相忌。迨廢鸚鵡之章。惹名

妹以長恨。亦復蹙眉。損黛。蟬曉天。鴉鵲樓頭。破粉成痕。泣夜夢。千鳳凰臺。畔愛文人。而欲嫁。不難抱處。如烟有才。女以交歡。并可攜之行。兩貞偏工。媚艷不傷。淫並非題。扇而惱王郎。安用投梭。以嘗謝椽。若夫饒虎橫戈。毒虺弄戟。金髻停掠。屋中賸瓦。無多銅脛。燒焚江上。殘城不少。元戎作鎮之地。血暴遊魂。將軍坐嘯之樓。燐啼戰鬼。誰家花鳥。酸風纏十院。琵琶何處樓臺。苦霧埋一軍。箴策於是據鞍。大帥草檄參軍。借謝太傅賭墅風流。列陣而殲強賊。假羊開府。輕裘氣概。飛書而歛降生。具見韜鈴。足徵經濟。惟其

胸藏武庫。斯能斗避文星。倘徒襲故紙。以譚兵豈異何癡人。而說夢至。夫靈心不測。依稀宋玉微詞。慧舌無涯。宛轉東方。恢語欲使解頤而去。只須匡鼎之一言。初非談道而來。已覺王戎之三倒。如入玉津之內。堪誇者有玳瑁千枝。似遊金谷之中。最賤者亦珊瑚七尺。由來院本。鮮此雕華。自昔傳奇。讓茲清艷。棄諸筭篋。儘堪佐一斗觥。船演出。糴不覺費千行。燭樹試問舞態。歌聲之外。何從得水雪文心。謂言楊箏。搥鼓之餘。別自具綺羅香骨。蓋緣鯉庭趨處。曾傳遺草。一囊羊豎乞時。更授粲花五種。孕何仙人之圃。

藥必延年。巢于佛氏之龕。鳥皆垂命。誠淵源之有自。洵才地之無忝。昔叨半面之交。已欲拜康成弟子。今托同心之契。尤當呼元晏先生。良以共入竹林。偕棲蓮幕。百蠻瘴雨。把臂而聽。五管火雲。拍肩以看。椰漿乍白。雙尋犇鶴之亭。荔子剛紅。俱泛潛牛之水。追陪云久。教賤子以倚聲宮調。非難促狂生而諧曲。粗諧競病。亟揮雲母而填。偶和車叉。速授雪兒以唱。凡屬鄙文之四部。實資大喝之三。通妍夫。暢捧雄文。飽觀傑構。綺言迭出。謝康樂之錯彩。鏤金麗句。橫開徐孝穆之魚油。龍繡不同俗子。僅說當行。宜學鄙君。

專誇本色料知舊劇都可炬以秦灰祇恐新編未得貴夫
洛紙然而世乏菁英之侶時多庸妄之夫或單重文章致
訶茲爲小道或高談名理竟叱此爲外篇遂將繪風斲月
之弘裁直作地老天荒之剩技則是陸機請左思爲僮父
可隸名言鍾嶸譏沈約爲中材爰成篤論不知有裨政教
卽號奇書無戾風騷自稱雅作探其微旨不過白鳩黃鶴
之變聲律以佳辭却合聖女小姑之創調茫茫宇宙寧無
識曲之人落落乾坤詎少知音之客相如作賦一時爲之
爭誇揚子攤經數世知其必顯果可登諸虎觀奚難播在

雞林此家大司馬壽諸梨棗以傳而余老雕蟲序爲荃蘭
之繼者也嗚呼天上有無愁之曲人間寡蠲忿之方孰能
邀玉女以投壺疇慣喚井公而對博爲歡有具除是殘編
斷楮之生涯行樂何年捨此黃卷青燈之歲月任諸子盡
跋扈於丹鉛之囿吾兩人且跳盪于粉墨之場舞鸚鵡而
何辭按鷓鴣以不吝君將妙曲閱吟十里茶山余把長歌
歸唱半城菱艤

皆

康熙二十五年歲在丙寅仲春花朝山陰後學吳棠禎伯

空青石傳奇卷上
總氏題於端州之文來閣



空青石傳奇卷上

目次

第一齣

情諧

第二齣

脅石

第三齣

聾誤

第四齣

鵲和

第五齣

墜箋

第六齣

祝構

第七齣

屏覘

空青石傳奇卷上
目次

第八齣

代繼

第九齣

雋覓

第十齣

姆辨

第十一齣

鬪婿

第十二齣

農酣

第十三齣

神禡

第十四齣

拾珍

第十五齣

庸叛

空青石傳奇卷上

目終

空青石傳奇卷下

目次

第十六齣

述笑

第十七齣

贗給

第十八齣

尼囑

第十九齣

阻闡

第二十齣

商援

第二十一齣

暢彈

第二十二齣

剖盟

第二十三齣

醫譚

第二十四齣

奸窟

第二十五齣

邊靖

第二十六齣

綸訛

第二十七齣

賜嬪

第二十八齣

醮考

第二十九齣

鼎圓

空青石傳奇卷下

目終

空青石傳奇卷上

陽羨紅友山農萬

樹編次

山陰雪舫溪漁吳棠禎題評

第一齣

情諧

滿庭芳

末上

鬼笑

貧營

天辭

愁寄

人間

何處

容狂

祛悶

無

策常在黑甜鄉起舞豪吟自喜思關鄭粉墨登場惟堪嘆

蓮心藥口難吐字如糖 隻窓春鳥勸姑湔空思試繪情

腸美今古情人多被情傷離恨天高未補五色石空煉媧

皇爭如何芙蓉粉底煉筆補天荒

開宗教語已
覺新舊賦偷
河見紅女繡
物滿細具足
所不無時

問答照常

賀新郎。奸宰盲雙目。把鍾生空青逼獻。誤因龔僕。展帖繙詞。賡咏處。錯認珊然姓曲。明辨後。猶疑為鞠。乍脫飛災。還奪解。喜金剛。追石謀空毒。幾誤試。幸登錄。書仙情重。能幫哭。愛佳詞。尼庵再和。素屏題續。重拾空青。持愈。誓一戰。功成荒服。恩配與。侯家閨淑。又被奸璫訛述。自賴君王。更賜聯雙玉。情種子。自饒福。

送不清洛神賦。糊突殺善武能文的。鍾心在。丟不下。鵲橋詞。煩惱殺真名假姓的。步珊然。

謀不成空青石。遺累殺再嫁重婚的。曲眉月。閱不過穢跡神周。全殺幫愁助哭的。鞠書仙下。

第二齣 脅石

商調 引子 遠池遊。生巾服上。浮生無據。通塞隨天去。只些些。不容天主。劍氣干人。琴心覓侶。兩般兒。權應讓予。

憶秦娥。天生我如何。却遣愁城坐。愁城坐。爭教不做一。

番掀簸。剛腸肯為人情挫。柔腸翻為開情懦。開情懦。風。

寔烟月。總須嘗過。小生姓鍾。名青字心。在燕京人也。鎔。

金作骨。濯錦為腸。青藜不照目前書。盡扶羽陵之秘斑。

造化小兒在。狂與人作。遇此。大不得。權讓之。

秀才家每多
志氣然有志

成不可徒
作衝場套語

管肯拈牙後語須翻覆下之奇這也不在話下先君曾
任官詹清風自寶負郭惟堪飼鶴營樓僅可函書只是
性嗜幽奇多藏雅玩海岳叟拜石洗桐之暇輒弄鐫彝
廬陵翁彈琴飲酒之餘常披金石小生雖衡茅自守梧
樞無忘故至不醒酒之靈石依然借船之法書尚在不
幸年來椿萱睡沒桃李未諧那些做媒的終日來聒絮
誇揚盡美訪問全虛為此甚不耐煩索性一槩謝絕了
想小生既具一副才情畢竟要尋一個相配得來的人
方堪作合古來才子佳人每多勝事天既生我這個情

種難道便這般伶俜牢落過此一生不成日下纔當釋
服便得觀場前日朝廷因議邊將事權奸狗黨忠讜乞
骸當此時勢功名之念不覺淡然只有求凰一節日繁
心曲我有一契友石黃公原籍江南今在北雍肄業他
亦未會婚娶與我意氣相投昨來闈事方完約今日到
此相訪不免沽酒與彼論心老髯奴何在小丑白髯扮
聾奴應上莫笑老蒼頭強健猶堪使鬚多奚以為髯而
無有耳相公有何分付生石相公來看我可整治酒肴
相待小丑相公有甚麼石匠來吃酒麼想是要起牌坊

三
茶花別墅

了榜尚未發爲何這般要緊生不是是江南石相公小
丑哦是石相公麼噯飯有在那裏前日進三場時祭福
神的東西還有得剩吃甚麼酒便拿凍雪兩樣對了吃
罷下小生巾服上

前腔韓王半部空說經綸秀才家讀書何補斷爛時文
虛浮世譽問何年匡裏廟謨

小生石穀城字黃公江南人氏來訪鍾心在此間也
是人麼小丑上是那小見介原來是石相公我家相公
曉得相公來此叫我安排酒肴我知相公是南方人吃

不得燒刀子已將羹酒衝和了等相公來吃向內相公
有請生上相見介小丑下取酒上二生對飲介小生鍾
兄你文心似綺筆陣如雲數日間卽當飛躍笑介小弟
是个監生就算文字做得好也要讓你本京人做解元
我看你面色甚是不樂却是爲何生石兄小弟心事輪
困草草完篇不過一了科場公案那中榜之望全然不
在心上只自念年逾弱冠形影淒涼世鮮佳人誰堪琴
瑟爲此感懷不覺愁形于色耳小生笑介鍾兄你真是
孩子家性子大丈夫要幹天下第一等事業豈區區關

大學問大見
識可令老頭
市假道學愧

情兒女乎。生石兒你把大丈夫三个字看得差了。

過梧蓼金羅梧蓼自古多情者方為大丈夫。便是為聖為

賢忠臣孝子。定要是个有情之人。方做得來。但造端夫婦

須從此處把情字認真起頭。試與咏關雎。那周文王難道

不是个大丈夫。你看他為着一个女人。不得時展轉反側。

得了時琴瑟鼓鐘。乃是千古來第一个情種。水紅肯學俗

儒迂。戒的是關情兒女。小生笑介鍾兄倒說的好風流道。

學生似此方為道學。不比小人儒。單死讀這幾行書也囉。

小生既如此說。鍾兄何不早結良姻。自其寂寞。生君子所

速須是淑女。那淑女豈是易得的。柳條深情宋玉。不比那

好色登徒。冶葉倡條。怎當得晚蘭洲杜。小生且待功名到

手。怕沒有佳麗相從。若是就着風情二字。可不把經綸事

業都撒下了。生袍皂羅你看書眉人出威行帝都典裘人去。

風行蜀都。何妨把凌烟高閣。移在巫山路。

小生鍾兄。你閣閣名門。年家父執。都在要津。想彼深閨。

豈無絕艷。你去訪求。何愁不得。只是你再不肯與貴顯

之人交往。却是何故。生。唉。自古翟公署門。孝標立論。彼

貴我賤。誰耐煩去趨附他。況這些權豪之人。小弟恨不

得筆誅劍擊豈肯與他作緣小生說得是如今世上呵

前腔媚術工鷹犬叢奸集鼠狐生即如前日衆大臣在御

前面議邊將那曲少宰必要用他門下私人敝年伯鞠宗

伯說這人貪殘驕險用他不得兩人爭論不已鞠年伯道

除非無什的替者方用這樣人曲老便賭起誓來道若他

此去無功我當雙髻朝廷竟依了他因此鞠年伯乞休而

退石兄任將是何等大事却如此徇黨欺君豈不可惱小

生朋黨古難除直等將來弄壞了邊事纔服鞠老先生的

先見喪邊隅方見得九齡尖生等那老賊果應雙髻之

書纔為暢快小生天道也定不饒他似這欺君誤國肺腑

已全無何況是眼無珠也囉生小弟一時憤激要草一篇

檄文彈那老賊小生鍾兒差矣此輩乃雙翼之虎百足之

蟲你一个窮措大能推得他到麼陳東有志孟博無辜怕

屈軼神羊翻批做甘陵一部你我且待出身之後那時官

守言責不妨侃侃斜彈奸雄胆落溫生上書聖明心悟朱

雲下呼那時節呵呵生氣展方不被儒冠誤

副淨鬚髯上頭向權家寶裡鑽鑽來頭上漸加冠曲端

遠祖曾遭戮須信為人貴不端自家姓曲名善本是浙

石生老成高
見誠為有用
之才世間
罕有少嘖
委無用而
以幸妄買
看多矣及
情事當言
同寒蟬可
可憐後暢
真品不在
百

江人令仰附少宰公，稱爲叔父。近日少宰公忽然病目，兩眼俱盲，遍請醫家不能救治。因想古人云：世上有空青人，問無聲目，聞得鍾詹事家曾有空青石一顆，今特着我來問他兒子取討。我想空青乃是他傳家之寶，怎肯白送，不免誘之以利，劫之以威，不怕他不拿出來。此間是他家裏子。小丑上呀，相公何來？副淨我是曲大爺，是吏部侍郎的親姪，特來看相公。有要緊說話。小丑人稟介外邊有甚麼人？爺說是吏部的姪兒要見相公。生我從不曾有這個人往來。小丑是一個連腮大鬍子。

與我差不多。小生那曲少宰有个聯宗的姪兒，叫做曲善。前日在報國寺買東西，人都認得。正是一個鬍子，只怕就是他。生我們正在此惱他這樣人，見他做甚。小生鍾兄這樣人，極能爲禍，不可怠慢他。他若說起曲公也，不可麾斥，只和婉待之，爲妙。生這也說得有理。小生下生出接見介副淨小弟曲善少宰公便是家叔。生原來如此失敬了。請問賜顧爲着何事。副淨只因家叔近日病目失明，聞得宅上有空青石一顆，可療此疾。家叔特命小弟遣府奉求。生背介原來此賊果然瞎了。副淨

仙呂人雙
調過曲

玉抱肚雙瞳昏昏刮金鏡狂華未除生背介空

青乃傳家之寶怎可與他不免含糊答應便了副淨家叔

說若蒙見賜定有厚報低說介將來科場之事亦可代謀

生這小倒不敢當只是那石塊一向丟在那里不知可還

存否副淨倘相遺圖報非輕兄若不允呵怕推辭觸怒何

如生待小弟去尋尋着時自當奉獻副淨既承尊諾先去

同復家叔就此告別了介彈丸一石敢藏諸有美何妨待

價治

副淨下小生上正是那曲善慶生正是他笑介我們方

纔願那老賊雙瞽果然一病失明了小生這也是天理

生他知道弟處有家藏空青石竟來坐索弟只說不知

丟在那里待尋着送去石兄此空青乃希世之珍豈可

與那奸人療目小生雖然如此只是你不與他必然設

計相害你一个秀才家怎當得他暗算

前腔奸謀堪慮弱書生何能敵渠依小弟愚見此石雖然

世寶但在兄是無用之物不如拚捨送他可以免禍怕貧

儒懷寶非宜效賢人投璧寧迂生只是此賊天盲方快人

意如何反去救他小生如此奸惡自有天刑或得藥而不

意如何反去救他小生如此奸惡自有天刑或得藥而不

效或日愈而身殃也。未可知。生此言甚是。即着人送去便

了。合從教瞎虎自睚肝。怕妙藥難將二豎驅。

生植黨欺公誤大廷。

生枉求妙藥點空青。

生人謀未必勝天譴。

生只恐仙丹也不靈。

小生下生吊場老髯奴何在。小五上生吏部曲老爺家

你認得麼。小五認得的。生我有空青石一顆送他。你可

將我的名帖就送去。小五哦曉得了。生下小五相公方

纔說禮部鞠老爺他家住在西江米巷。我就將這空青

石與名帖送去便了。下

寶學快所傳
訛到底匪尋

第三齣 聾誤

仙引子望遠行外坡巾便服上丹心白首憂國雙眉長鬪滿

眼寒蟬翻笑裂麻人謬別却神武門前早向王官谷口還

跋望耳泉馳奏

許乞骸歸荷國恩敢言快目視東門但祈凱曲傳青海

自責愚臣老眼昏下官鞠躬別號蹇臣官拜禮部左侍

郎之職近因朝鮮犯順邊海震驚聖上命九卿大臣會

議要推一智勇元戎提兵禦剿可笑那少宰曲得侯力

保他門下私人喚做危有倚此人前任萊陽副總先年

寇從劉公島直入文登。自不夜城焚掠。竟逼栖霞。他素無堵禦之謀。復少折衝之畧。平昔惟恣情淫醜。尅蝕軍需。有事之秋。疲軍解體。他聞風鼠竄。退保曲長山。幸大嵩守備率衆北援。賊兵方退。却又令人急賄權奸。盡行遮飾。惟委罪于水師遊擊。律以失机。朝廷未察其奸凶。曲老反薦其敏練。下官再三指斥。爭奈孤額難從。曲老竟以誓語要君。聖上遂尔姑加試可。唉。將來邊境受禍。必深。我想此輩交結貂璫。飾非固寵。我這一個崛強的。老子便終日里壞麻補牘。也是枉然。不惟無益于國。兼

恐有禍于身。爲此上疏乞歸。蒙聖恩准。我休致。敢作小夫之悻色。聊希明哲之保身而已。夫人早逝。止遺一女。小字書仙。德慧雖兼。婚姻未締。意欲覓一快婿。竟無其人。癡肥華胄。無非是榆裙躡屐之班。軟滑名流。也不過刻鵠雕蟲之輩。不知何日得逢佳士。以托門楣也。下官有別墅在西郊之外。名曰濕錦山莊。目今致政身閒。欲作山居。以觀秋色。行李俱已打點。不免喚女孩兒出來。分付他住在家中。便了孩兒那里。且上

前腔春光縮繡不許愁人不瘦閒悶偏多又值嫩秋時候

不許愁人不

起是易安名
句易一瘦字
更無理更行

休嘆漆室葵園。且習中郎桐奏。喜桂醕新斲方就。

見外介外我兒我自恩許歸田。身閒無事。要到山莊遊。

翫幾時家中無人。只得留你住下。旦孩兒知道了。請問

爹爹那舉將出師。是他銓曹職掌。爹爹為何與那曲老

爭論麼。外你女孩兒家。那曉得軍國大事。那朝鮮部落

自來強悍。其地東西二千里。南北四千里。偽分八道。僭

號京畿。自李氏為王。徙居漢城。其後愈加跋扈。迨來公

然入寇。海甸不寧。那薊遼為畿輔。股肱鳴綵。乃開門襟

帶。豈可使貪庸奸黨。召禍危疆麼。

過曲桂枝香他川巖雄厚。輪蹄堅驟。自貞觀六馭親征。到歷

代三韓頰寇。旦如今那個統兵之人。何以知他不能為將。

外他不過是權門獬犬。權門獬犬。前車曾覆。澠池難復。如

今但得他成功便好。旦他若成功。爹爹便是先見不明了。

外國家重事所關。我豈敢幸彼之敗。顯我之明。倘得宗社

有靈。一鼓克捷。我亦其受不明之罰。只怕客強主弱。天倖

難邀耳。望斷了塞垣秋。怎能勾一江鏡鼓。馳軍檄。怕的是

五夜烽烟入戍樓。

旦

老臣憂國心
事爾爾非淺
然功名之士
所知

卷之五 第二十一 卷之五 第二十一

前腔殺師莫救秦人誰殺把番番黃髮輕違只截截謊言
欣受爹爹便論將不合也由他罷了爲何棄職而歸外有
事則諫不從則去大臣義應如此況我齒已衰暮且尚羊
林下以樂餘年有何不可且時事多艱未必容爹爹安隱
料聞聲念切聞聲念切怎容得東山攜酒南山栽豆外我
豈不志圖報國只是與奸佞同朝日後恐遭棍棒不如引
退方是知幾且爹爹不須嘆息正有一件可喜之事聞得
那曲老已經雙瞽應了誓言豈不是一件喜事外說那里
話我與他相爭乃是國家公議豈可幸其雙瞽以快私怨
麼且如此說更見爹爹雅量度休休且因元載猜嫌避不
記廉頗睚眦讐

小丑持空青石上相公叫我送這石塊與禮部鞠老爺
來此是他府中沒人在此傳遞怎麼處老且持法帖上
老身全媽媽是禮部鞠老爺家書仙小姐的乳姆小姐
與玉田公主步家小姐相好今日着我去看他步小姐
將前日借看的十三行法帖叫我帶還來此是府門了
見小丑介那個老兒是誰面染得緊小丑呀那個好像
全媽媽待我叫他一聲看全媽媽老且你是那個小丑

我是順城門鍾詹事老爺家的老鬻奴你舊時與我家是隣舍你不認得我了。老旦原來是你我說有此面染

小丑你如今住在那里到此做甚麼。老旦我家兒子開磨坊在前門。這里鞠府中小姐是我乳養的。小丑只曉得你做乳姆。原來在這里。我家相公差我送這空青石與你家老爺。有名帖在此。門上無人。央你替我帶進去罷。老旦接介。你在門外等着。便是。入見外旦介。小姐步小姐叫致意。借看的法帖。送還在此。又道廿四日在雙文庵女師父處。做道場。為公主娘娘祝壽。他去拈香。請

小姐同往。隨喜。旦正是廿四日。是公主壽誕了。老旦老爺這是鍾詹事的公子。送來與老爺的帖兒在此。差一個老管家在外。外呀。這是空青石。是他傳世之寶。如何將來送我孩兒鍾公子。是我年姪。久不相會。今又送此寶物來。怎麼處。乳姆可喚他那老管家進來。老旦出介。老爺喚你進去。小丑入叩頭介。老爺在上。小人叩頭。外這是鍾年兄的舊僕。我還認得他。這一臉鬍鬚。你相公一向不來。我常想念。今日多謝他。送這空青來。我怎麼好受。

南呂
過曲

大研鼓琛球。忽見投世傳之物。我敢輕收。只是美意

送來。不好辭得。且存在此。另日當圖相報。但我即刻欲往
西山。不及寫書相謝。各帖也不便在此。怎麼處。哦。取法帖
介。這一本十三行法帖。乃是宋朝內府之物。吳興趙氏家
藏的。你將去送上相公。有此帖奉復。也不消名帖了。小丑
接介。外舊藏書蹟。非瓊玖。連城須俟別相酬。恕我匆匆。名
未修。

雜扮家人上。暫從北闕辭丹鳳。且向西山玩白鷗。稟老
爺車馬已在門外。請老爺起身。外孩兒。我就此去了。待

菊花盛時。差人來接你。無官身已輕于葉。且有限顏應
淡似花。各下小丑。我幸而來早一步。不然鞠老爺去了。
怎麼處。且住。方纔這一位小姐。想是全媽媽乳養的了。
好標致。

前腔。嬌羞柳樣柔。恁般消受。兀自鎖着眉頭。我曉得想因
年長遲鴛偶。把一個閨中宋玉也。悲秋。我家相公須得這
樣一個佳人為配方妙。絕好紅絲。誰作寒修。

這後葉字紙說甚麼值錢的東西。可笑得緊。兩邊都是
說鬼話的。

送來一个石子

換去幾張廢紙

若是送與區區

不喜這般薄禮下

第四齣

鵲和

南呂引子

女臨江

女冠子頭

生上書生何事誇盧扁把靈石療奸權

臨江仙尾

從來醫士願人痊如今翻禱祝只要藥無緣

昨日曲賊來索空青本待不與却被石兄慫恿令老奴送去倘若醫好他雙眼是小生不能做一个擊奸之人反是助紂為虐了除非空青有靈用來無效方好且待老奴回時便知端的小丑持帖上耳內言無四五句手

中字有十三行相公生你來了麼小丑來了生那曲老

爺怎麼說小丑他說多謝相公因要往西番去不及寫

字生甚麼西番想是西山小丑不曉得他西三東四但

說名帖也不便在此只叫我拿了這幾葉舊紙送與相

公說是甚麼道士家堂的生接看介是趙松雪所藏十

三行真蹟好得緊小丑笑介相公這幾個字有甚麼好

他家有一件好東西該要他的生好胡說他家的東西

怎麼好要小丑要得的且相公正要極要的生你且說

是甚麼小丑他家有一位小姐生得如花似玉竟像一

幅畫上美人難道不要那小姐的乳姆便是我們舊隣
的全媽媽他如今兒子開磨坊住在前門相公只消央
那媽媽去求親事還你一說就成我看那小姐也正是
要家公的時候了生快去吃飯休得在此胡說小丑下
生可笑那樣一个好臣生出甚麼好女兒來這老奴才
見了富貴人家閨女濃粧艷裹便道是美人了笑介那
知我鍾心在肚子裡的美人不是這樣的這也不要管
他且把那十三行一看看帖介這个真蹟果然是件寶
玩呀妙妙香得緊

過繡帶引

繡帶兒

開函處幽香一片光浮滿幅雲烟如今那

舊揚尚不可得何況真蹟蠟翼揚舊帖應希蠆尾字真本

猶傳上有宣和圖印原來是宋朝內府之物米海嶽蘇眉

山都有跋語柳誠懸所謂子敬愛寫洛神賦合有幾本此

其一也前賢

太師引

收藏賞鑒同琰琬我想古人墨妙埋沒

于唐陵楚炬不少此帖想有鬼神呵護靈光獨存千年物

波磔森然只是如此寶物却落在奸人之手豈不可惜知

王令頰窻幾年今日歸于小生呵却比似梁上客還來舊

物青氈

用大令事
合天工

大可馬云三
詞五方悉敵
而風情縹緲
俱別有寄托
不可以傳奇
中看詩詞日

呀中間夾着一幅甚麼字紙且看來原來是一首鵲橋
仙詞就是咏那洛神賦的寫得好

懶針線

懶書

小調題成鵲橋仙細楷蕭疎別樣妍讀詞介

鵲橋仙甄娘已遠必如何金枕閒情撥亂人琴去後墨

花存肯比似鶯經許換鶯鶯艷逸霧縈芳靄不與俗人全

看天教剩此十三行只描出風流一半呀妙哉妙哉詞情

婉雋縹緲欲仙真令人愛殺也不經烟火自嫣然如今填

詞的人斗量車載都要剝柳吞秦那及得此詞風致針線箱

笑時人琢句多推鍊止靠着粉填脂檀怎如他輕如淺水

銜花燕怎如他爽比疎林帶月蟬就是小生也頗以詞章

自負見了此詞可羞才淺把將軍鐵板擲碎花前

且看是何人做的女史珊然氏題呀原來是女人所作

世間有此才媛左芬謝蘊不過如此漢武讀子虛有生

不同時之嘆難道我鍾心在同時就有如此佳人

醉宜春

醉太

喧闐詩魔世界自何來謫墮天上書仙吳介

原來這一種氤氳乃是美人粉指上的香澤想金環玉腕

揮灑處柳羅花然珊然看他把小名題破印章邊宜春敢

則是早知我多情人見不要說這詞句便是這楷書誰寫

讀梨花情翻
諸折如遊武
彙群袖曲曲
人勝紅女笑
景運筆委旋
無窮信哉無
忌歸似牢之

自此着魔入
夢矣然於之
于理原是不
錯而此知天
公弄巧偏出
人意料之外

得出就把這大令的書法比並起來反覺王字是僉父了
怎比他簪花新格別饒香軟

你看箋香未歇墨瀋猶新自然眼前活活有這個人兒
小生一向想念欲遇其人今既有此詞便走遍天涯也
必不得尋訪只是他單寫名兒不題姓氏却教我從何
處去摸索他喚箋家想介呀呀我好跌下這帖是曲家
的帖自然人是曲家的人了怎生還到別處去想阿呀
曲小姐曲小姐你前生想是飛瓊夢綠故天公付與你
如許才情也

瑣窗繡

瑣窗寒

這人兒不隔雲天只在侯門鎮翠則纔說那

小花面老兒豈生好女原來是犁牛之子到如今方知其

醜無源小姐小姐我想你是怎生樣一個人兒竟有這般

慧思喚好笑我這欲漢越發跌了方纔老奴親見說是絕

世佳人有何疑惑他說崔徽畫裡一般嬌婉看桃花便知

人面等我叫他一番曲小姐曲小姐我的曲珊然小姐我

在此叫怎得他聽見繡衣情東風把芳音送遠情東風把

芳音送遠

小丑急上忽聞鴉鳥叫驚醒睡魔蟲相公是甚麼叫你

信相生愈
勢愈深亦愈

可聽得想是鬼車鳥。生胡說。我在此吟詩。小丑怎麼吟詩。是這等怪評。生誰要你管。趨不去。小丑。哦。方纔曉得。如今做詩的人。都是鬼車鳥變的。不要管他。且去做完。了。那個好夢。下生。小生。未風未遂。飛雉方悲。今有此佳。人。萬萬不可錯過。只是他未知會許人否。又未知肯許。我否。

大節高夫勝紅絲在。或有人牽。還則怕舊青衫難入選。他若官時便做權奸的門塔也說不得了。泰山頂不得米山。變只是老奴難如此說。畢竟自家得見一面。方纔放心。他

詞中說得好節節高風流而見欲全難全見。從教遮着湘羅扇。定須半露芙蓉茜。便是相逢洛中神。含情也自凌波現。

不免把他原韻也和一首待我取一幅花箋過來取箋

作詞介鵲橋仙文雄八斗字工八法。林下風來驚亂蠅頭。

書跡數無多。便萬顆明珠不換。休言解佩洛川何處。容得有心人看。凝魂幾許。不禁消爲片紙。先教滅半。

東甌蓮東甌依芳韻。和新篇。怎倩金鱗送洛川。小姐你若

見了此詞。兩想匏瓜自感。牽牛怨也。念我曹家建那一顆空青石。倒做了三生石上好因緣。這幅箋兒。就是會親符

仙河... 爲然似此... 教曲直可前... 應玉茗後掃

須要藏好子金蓮更說甚舊黃庭換雙鷺值得幾文錢

老奴說有个全媽媽在前門住我如今不免去尋他一

問便是小生同淨末上末場後便宜免用功小生相邀

同向酒樓中淨盡情搖擺乘今日只怕將來剩相公末

怎麼剩相公淨我們秀才家入場不中不論姓鄭不姓

鄭都料剩相公小生這是爲何淨別人都中了去只我

一人不中豈不是剩下來相公各笑介淨石兒好笑

小鍾這个缺子場後竟不見他的面躲在家裡則甚末

我們去尋他出來同去頑一頑小生前面就是他家了

行介淨此間已是鍾兄在家麼生有朋友來了袖箋介

是那个淨衆入介生原來是列位兄到此淨你這个天

殺的心太不良生爲甚麼淨場前這般用功一定被你

奪了解元去如今還躲在家子日子日你看筆硯未乾

又在此做文字要奪別人的會元了生小弟從不會用

功的末既如此爲何竟不見兄出來行走生心緒無聊

故此懶出淨我們今日特來尋兄去頑耍或是衆春園

看兩齣戲或是西河沿去闖闖寡門如何生小弟竟無

此興末還是到查家酒樓上暢飲一番好小生小弟携

得杖頭在此請兄即便同行生背介我要去尋那全媽
媽那得心情吃酒向小生石兄小弟其實身子有些不
快不能奉陪淨後生家甚麼不快接一个表子快一快
就是小生鍾兒既不願去不要強他我們去罷扯淨末
行介淨我們去了鍾兒不要在家放關門鏡象笑下生
這些頑皮去了不免到全媽媽家走一遭

尾聲俏姪娥藏深殿憑他阿母代傳言他若是有甚推托

兩須知道先有个親筆的婚書一幅箋

百寶欄深貯小喬 春風偷度玉樓簫

一結為永

題紅定許聯雙韻 佳識新詞是鵲橋下

第五齣 墜箋

老旦上一身乳得兩嬌娃都是當朝富貴家財運老來

逢驛馬纔過東府又西衙老身全媽媽當初在曲吏部

家乳養小姐三年後來又到鞠家再做乳姆承兩位小

姐看顧稱些家事與孩兒開个磨坊所以老身只常住

在他兩家在家日子倒少好笑那兩個小姐是我一

人乳哺的却是妍姪各別愚慧全分曲家小姐名喚眉

月生得貌醜性狀今年已是二十一歲了一來曲老爺

不道自己女兒欠佳，偏要揀个好女婿。一來想是人家知道小姐光景，總不見來議親，所以蹉跎了。鞠家書仙小姐却生得才貌兩全，今年十七也，未許聘。笑介：這也不是我的乳漿，有甚兩樣？想是他兩個父親的乳漿，不是。同此俗諺道得好：鷹生鷹，鳳生鳳，真是有種像種。近日因鞠老爺在西山去了，小姐留我作伴。昨日偶然歸家，却有一件好笑的事。那鍾詹事家公子鍾相公特地到我家來，夾我說親，却不求書仙小姐，反要求眉月小姐。你道好笑不好笑？想是他坐在書房中，不曾曉得外邊

雙語入情而
為一部大開
卷

聽說只道少宰門楣，閨人一定賢淑的了。據我看來，鍾相公與鞠小姐是一對好夫妻，只是他無此意，我不便提起。不但不便說鞠家的好處，也不便說曲家的不好處。只得含糊答應了他。今日且來曲家，若使問與曲老爺提起這事，看他如何主意。便了來此後堂，小姐在那裏。小正喬粧扮小姐上。

仙呂入雙
調過曲

字字雙鬟高粉厚，學時粧。蘇樣饅頭兩奶挺胸。

腔非胖年過念一，沒新郎白。

賞相上床熬殺到天光。

頭咬指介作癢。

奶娘這幾日在那里不來。老旦因鞠老爺出了門，那邊小姐留我作伴。小丑鞠家妹妹今年十七了，爲甚麼不嫁？本家不敢樂取樂，却要你作伴。我只因阿爹這個老厭物，不肯輕易招親，耽擱了我，他爲甚麼也吃這樣苦。老旦他小似你四歲，姻事尚早哩，便是你念一歲，也還是個小孩兒家，怎麼這等心焦。小丑奶娘，你多少年紀了？老旦老身今年四十五歲。小丑你那兒子呢？老旦他二十八了。小丑可又來，你在十八歲上就生了孩兒，還說我年紀小。京師人說四十五還魂騷，只怕你也還老。

高興哩，怎說我心焦。老旦甚麼說話，有一個鍾相公是詹事的公子，要求小姐爲婚，不知老爺意下何如。小丑這極好了，你見了阿爹，須要攛掇他。老旦曉得淨內叫介丫鬟扶我到外面去。老旦老爺出來了，淨忠請冠梅。

香扶上

仙呂引子 似娘兒雙手攬朝綱，誰敢與論短爭長。寧知忽爾雙眸喪，雄心未已，兇謀轉毒，怒氣難降。

孩兒你和誰在此講話？小丑是奶娘。老旦老爺請坐下了。淨奶娘，你叫小廝們去請浙江大爺來。老旦應下。淨下。

官曲隨封號得侯職居銓宰勢壓羣寮朝廷每爾傾心
宰輔亦皆拱手頗耐鞠蹇臣那个老兒偏要和俺犯對
前日推用薊遼總兵下官保荐門下危弁他竟指斥其
奸爭論不已那時因他說俺不明曾有瞽目之誓這也
是一時口過誰想即時病目數日間便兩目失明不但
理不得朝政且應了老匹夫的口貽笑于人遍請醫家
無能調治小丑阿爹城隍廟前賣得好膏藥買一張來
貼上就收了口何如淨胡說向來鬪得鍾生家有空青
石會着姪兒曲善去要他的回說鍾生面允已有幾日

了爲何還不送來小丑空青是好吃的麼淨空青乃天
生至寶是一個石子搥之其中有聲剖出那靈液來點
入眼內卽能復明所以說世上有空青人間無瞽目小
丑這也有趣阿爹若點了眼有得剝時一定把與我淨
你要他何用小丑我養一隻哈叭狗爲生了癩眼睛瞎
了等我與他點點兒淨唛內云大爺進來了淨有客到
來你快進去小丑下副淨上

煎腔恩叔賽同堂克過付肆惡街坊長班院子真喜黨癩
原最潔脣難乍冷屁也奇香

入見介叔父這兩日尊日不疼麼淨若是疼還好醫治
如今竟不疼了

馮曲解二醒恨無端兩瞳生障全不見一隙天光副淨那個

鍾心在會將空青送來麼淨竟不送來他莫非掉詭副淨
這個他怎麼敢難道把一顆頭去換一顆石子淨便是俺

這里威行壓卵誰相抗他敢把烽火戲觸吾行俺這幾時

在家銓事裡頭錯了許多賄賂了只是雙眼不能復明要

這家業也無用牀頭空秤金百箱而上先剝珠一雙前日

原不該在御前賂咒天難罔多應爲秦廷指鹿蠱惑君王

副淨叔父不必焦躁且須靜養小姪有一節事欲求叔

父淨那邊功題敘之事俺已分付危總兵附你一個名

兒不日就有官了副淨這不消說感叔父提攜小姪因

年長未娶聞得玉田步公王家有一小姐若得老叔遣

人去說親自然應允淨這個容易那公主係聖上愛妹

甚有權勢俺平昔常去敬奉他這幾日內是他壽誕正

要送禮去趁便就提這門親事便了副淨多謝叔父生

上只因兒女情多感却使英雄氣稍卑小生昨日去訪

全媽媽託以親事他已應承但此老素無在還恐未相

信我想前日彼此贈答不爲無因。如今竟去拜他。只說問候。若他眼疾已愈。便把女兒爲謝醫之敬。也是該的。來此已是有人麼。末扮院子上家人。屢日無此興門客。今朝有幾來。相公是那一位。生煩你通報。說鍾相公來問候。末請少待。人稟介淨鍾生來了。姪兒快去相迎。副淨迎入介生老先生在上。晚生拜揖。淨姪兒快扶住了。不要作揖。學生病中不能爲禮。生副淨揖介副淨外日驚動生多慢。淨請坐了。生請問老先生尊目爲何失視。前腔換頭帝遣求珠資象罔。又不是士待傳經類卜商。那空

青石何不剖來試點。天生靈液難尋訪。除癩疾最神良。淨便是前蒙見許。空青未承慨賜。今番想帶來了麼。生前日就差小价送來了。副淨正在此盼望。何曾送來。想是鍾兄口雖應允。日來忘了。生說那里話。千金一諾何敢忘。淨不然。因是貴重之物。不肯見惠。生長物何曾恡獻將。副淨鍾兄再想一想。恐是錯記了。生非虛誑。或者是司閹記室失

檢遺亡

淨那有遺亡之理。你不肯送來便罷了。怎麼假說已送。這也可笑。副淨鍾兄你差了。若果送來。難道我這里隱

匿過了不成

前腔待用方殷殊快望拜惠何須更隱藏生豈有此理小

价送來又承古帖之賜怎說沒有淨甚麼古帖白日裡說

鬼話總是一片支吾可惡得緊凌辱犯上真無狀叫此家

人過來加斥逐毀冠裳生你謀賴人東西又加兩斥是何

道理副淨怎麼說你是今後生小子輒敢唐突先達麼你

不過青衿白面敢恃強只怕螳臂車輪不可當生大笑介

你這樣小人硬前威勢我鍾相公豈是屈節于權奸之人

淨這等放肆應可惡了副淨叔父不必動怒待小姪打

這廝打生被生打踢推倒介生喚這是我自己不是來差

了空癡想怎想着鸞凰好合出在這狼虎門牆

生遺箋下副淨叫痛起介這个狗頭例是有拳法的要

打他倒被他打了一頓呀你看他遺下甚麼東西去了

拾看介是兩幅詞箋這一幅女史珊瑚氏題這一幅鍾

青敬和且住珊瑚就是步小姐名字我方要去求親原

來這廝與他暗地通情淫詞來往可惡之極老旦托茶

上聞得鍾相公在此送茶出來副淨鍾青鍾青我不處

死你也不見手段老旦聽介裡邊叫鍾相公姓名想是

借相爭失
起後無限波
折似此文心
幾一胡髮錢
塵矣

空青石
卷上
三

去了待我再聽一聽淨姪兒鍾青這畜生許我空青不肯送來反來挺撞于俺須算計擺佈他副淨他方纔臨去遺下兩幅箋兒乃是與步公主之女暗地通情淫詞來往這一節事就可處他了淨有這等事俺便將詞箋送去與公主看教他差人拿去置之于死便了起介丫鬟們那里副淨叔父要將息就等姪兒扶了進去罷扶淨下老旦呀了不得原來要謀害鍾相公

前腔不測風雲非意想

况教步府處他越發當不起驀地

雷霆怎避藏

只是那空青石他已送與鞠老爺了方纔又

說許了這里不肯送來這是甚麼緣故如何物一人情兩

豈此石舊成雙

那空青那得有兩顆自然是那老鬍子耳

背送差了還有一說那鍾相公與步小姐從何有在來之事這一件更爲可疑文園方覲此處風怎韓椽先偷別院

香如今且不要閒話急去與書仙小姐說知通信與步小

姐設一計策救取鍾相公要緊他昨日還要求曲家小姐的親如今呵遭情網還仗取桃源女伴救取劉郎

偃月堂中狎客來

輾然一笑一家灰

好從金谷青絲網

奪取銜花粉蝶回下

第六齣

祝構

南呂引子滿江紅小丑扮公主小旦扮小姐四侍女四內官上

小正殿角秋深。翻覺是人閒。書永無箇事。前溪舞罷。後庭歌動。小旦鵲鼎瑞香烟。有字鴛鴦機。壽錦衣無縫。合對仙禽瑤草。豈人間蓬萊洞。

山莊畧似太平家。天與同昌賜物華。遙望玉卮娘子拜。霞衣紅襯碧桃花。老身玉田長公。上是也。先皇之幼女。今上之愛妹。肅維著範。歌傳穠李之華。芳艷標奇。粧試落梅之瓣。先夫駙馬都尉步公。素稱平叔風流。不減晉

卿才藻。下降方當廿載。上界又已三秋。止生一女。名曰珊瑚。然論窈窕。則姑射水顏。五才華。亦始平錦手。只是乘

龍未。吹鳳尚停。因聖上曾許為他擇一佳配。為此遲遲。猶然待字。老身忝託天潢。承恩最渥。戶列襄成之戟。而帑積珍奇。袖懷和正之書。而權傾朝宇。出宰相于門。下竟有五人。定狀元于闈中。止須一語。可謂寵榮極矣。

小旦跪介孩兒稟上娘娘。小丑我兒。你有何說話。起來

講。小旦明日是娘娘壽誕。孩兒今日先備酒肴。為娘娘慶壽。特此稟知。小丑生受你。小旦看酒過來。衆有酒。小

且進酒介

詞家所重本
曲 **梁州新郎** 梁州 仙宴日麗靈護霞擁結綺秋窓初控蓮

色當行每息
房香老紅衣又裹芙蓉好把羹調芍藥釀壓葡萄慢卷鸞

以驛脂砌
綃捧嫣然呼拜處愧兒童萬福深淡當鞠躬 賀新 合廉影

掩却本地風
下花陰弄聽笙篔篹方響雲韶動齊和取九如頌

光如此等曲
小五

百應堂皇現
前腔金枝天眷瑤花仙種珠在掌中加瑩海棠微笑人間

商而能出以
桃杏羞紅暫向白榆河漢丹桂宮樓寶扇圍么鳳自應乾

燧秀之筆彼
鳴到駕長虹何用吹簫向碧空 合前

祭魚點鬼之

死當却退三

骨

骨

骨

骨

骨

骨

骨

骨

小旦稟上娘娘這此樂府都已熟聞孩兒前日草得祝

嘏詞十章命侍女們譜作清吹一曲試令奏上何如小

丑極好小旦侍女們奏來衆隨意清吹一套介小五纏

緜隨風悠揚盈耳步步虛仙啊不是過矣小旦孩兒在雙

文庵啟建道場手繡長幡懸掛為娘娘稱祝明早須自

往拈香已會講過謝家小姐同行告稟娘娘知道小五

你又為我如此費心孝哉兒也謝小姐也送壽禮來可

致謝之小旦孩兒知道

前腔 換頭 禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

禮婆伽丈六金容無量壽同名虔誦更花幡手繡

空青石
辨香修供。但願夫人南嶽阿母西池長見。麻姑奉龜臺還。淨掃宴王公黃竹。高歌候八龍。合前

少丑今早蒙聖恩寵賜多儀。明日須入朝面謝。內侍們可擇兩個老成的。隨小姐拈香。其餘跟入朝去。內官跪

介奴婢們知道。小五

前腔荷君王嘉貺恩隆。比十餐仙頌尤重。向螭頭稽首誠惶誠恐。自古平陽歌舞沁水田園。誰似今承寵明朝須聽。景陽鐘淡掃蛾眉入禁中。合前

內官跪介還有各位王爺勳藩戚晚并內閣九卿衙門

送過壽禮的。也要去還他帖兒。小五把禮單檢齊。選一日都要自去登門相謝。內官是

節節高朱門寶玉叢。錦重重侯家飛騎黃金鞵。街衢哄歡笑同稱揚衆。盡誇榮盛誰能共。國朝優禮踰唐宋。合鳳旆魚軒早安排。紫衣俱作鸞麟從。

侍女

前腔簾旌颺午風。毳毼紅。雙成萼綠都環擁。香牙籠花玉筒。醪銀甕華堂夜夜笙歌冗。壽筵歲歲歡聲湧。合前餘文明年更有蕭郎共。向庭前雙擎玉鐘。好把勝事流傳。

長樂宮

襍扮院子捧禮物上謹奉天官命來登帝女門自家乃
曲老爺家院子差來與公主上壽的來此已是門上有
人麼內官出見介你是那里來的襍吏部曲老爺差來
與娘娘上壽禮物揭帖在此煩公公傳進內官接介襍
還有一說家老爺有要緊話着小人面稟娘娘并煩通
報內官你站在此入稟介吏部曲老爺差人在外送上
壽禮物在此侍女接上小丑看介內官還說有要緊事
要面稟娘娘小丑着他進來孩兒你且迴避小旦同侍

女下內官同襍入襍叩頭介娘娘在上院子叩頭小丑
多謝你老爺厚禮改日面謝還有甚麼說話襍家老爺
有个姪兒乃是少年才子聞貴府小姐未曾許聘意欲
仰扳特着小人叩問若蒙俯允另日請國公張老爺內
閣李老爺來作伐小丑你家老爺來說自當從命但我
家小姪婚事連我也不敢主張因是萬歲爺分付了少
不得聽憑聖旨

仙呂 過曲 一封書承潭府締姻合相從朱與陳非推故謝婚爲
會蒙絲與綸襍還有一言老爺分付小人密稟小丑內侍

們迴避。內宮下襪外面有一個人喚做鍾青。他捏造謊言說與貴府小姐詩詞往來。今被我老爺獲住箋紙二幅。着小人送上娘娘。此詞決然假的。恐壞府中體面。該把那人拿來重處。小丑看箋怒介。有這等事。可惱。詠古新篇無別意。和韻狂言似有因。你回去上覆你老爺。我自着人拿這光棍便了。襪下小丑內侍們過來。內官上小丑外邊有一金鍾青。他捏造詩詞誹謗本府。明日卽與我訪着拿來盡法處治。內官應介。小丑喚排軍捕奸民。豈許訛傳玷府門。有這樣光棍狗頭。可惱。可惱。內官隨下。

